

TARDE NUESTRE – MONZA = 2 A 1... QUANNE SPRUSCE NO' VVALE!

L'ha mann't Aldo "Diecipalazzine"
mercoledì 26 ottobre 2011

Seeeeeeeee! Ce se penzave quidde c’ ha signate d’u MONZA? Ha fatte ‘nu gol ca nemmanghe idde sape accome l’ha pigghiate. Ha sprusciate ‘nderre e ha ‘ngarrate ‘u gol. Ma po’, ‘u Tarde nuestre, gagliarde e ttueste, ha accumenzate picche a vote a ddà ‘ngape a squadre de MOTTA. Seconde me, MOTTA no ssu mange ‘u panettone! Ehehehe! Prima CHIARETTI, ‘u brasiliane nuestre, ha ffatte ‘nu cape gol e po’, Monsieur Giulio, ha menate ‘na sbunnate ca ha strazzate ‘a rezze! Stavote no stave nemmanghe ‘nu tefose scurisciute d’u MONZA, ma ‘a veretade, ‘u cambe pareve vacande piccè all’otra partite (quedda c’u ‘a TERNANA) stave ‘u mienze cambe chine chine.

Stavote pareve ca avevene menate ‘na fialetta o Iacovone. Quidde ca se menene a Carnevale ca fetene e tutte se ne fuscene. Ha turnate DIONIGI e le piccinne s’honne acquietate. Senza ‘u Mister no’ngè stè capivene ninde, ma mo’ honne turnate a vengere. L’arbitre, quidde magghiate, no’ngè ha date ‘nu pare de gol o Tarde e apprisse o segnalinee de sotto a trebune, honne fatte proprie Gianni e Pinotto. Ehehehe! Honne sciucate tutte bbuene e honne vengiate. Pe ccome aveve accumenzate ‘a partite (honne segnate o prime menute) se stè metteve brutte ma po’……. Ha sciucate pure COLOMBINI ca no’ngè scioche maje e s’ha combortate bbuene. Apprime ca accumenzave ‘u seconde timbe pareve ca ind’a rezze d’a porte aveve rumaste, ce ssacce, ‘nu naccaridde, nu traule, ‘na vope. Piccè ‘u segna libbre ha truate ‘nu pertuse. Mah! ‘U sacce ije de ci ere quidde pertuse… Ehehehe! Facitave calà!